



**USAID**  
OD AMERIČKOG NARODA

# JAVNI POZIV ZA UČEŠĆE JEDINICA LOKALNE SAMOUPRAVE U BiH Poziv I

Oznaka poziva:	20.04.0-N2.1-306
Naziv poziva:	<b>Podrška marginaliziranim grupama žena u razvoju biznisa</b>
Rok za slanje prijave na javni poziv:	29. 3. 2021. do 16.00 sati

## Javni poziv za učešće jedinica lokalne samouprave

Program podrške zaštiti ljudskih prava (**USAID/INSPIRE**)<sup>1</sup> Američke agencije za međunarodni razvoj (USAID) poziva jedinice lokalne samouprave (JLS) u Bosni i Hercegovini da se prijave na Javni poziv za podršku u implementaciji komponente za **Podršku marginaliziranim grupama žena u razvoju biznisa**.

Jedinice lokalne samouprave prijavljuju se za stručnu podršku i sredstva USAID/INSPIRE-a u iznosu koji će se podudarati s njihovim uloženim sredstvima u **Preduzetnički fond za žene** (za 1 KM koju izdvaja jedinica lokalne samouprave, USAID/INSPIRE će također izdvojiti 1 KM).

Sva pitanja koja se tiču ovog javnog poziva dostavljaju se isključivo putem e-mail adrese: [prijava@usaidinspire.ba](mailto:prijava@usaidinspire.ba) (subject/predmet: 20.04.0-N2.1-306, *Upit*).

Tekst Javnog poziva kao i obrazac prijave dostupni su na online platformi za upravljanje grantovima na linku: <https://KULT.smapply.io/res/p/komponenta3>.

Od aplikanta se traži da **do 29. 3. 2021. do 16.00 sati** dostave prijavu u elektronskom obliku, nakon što se registruju kao organizacija (*organisation*) na online platformi za upravljanje grantovima KULT/APPLY. U sklopu aplikacije će morati popuniti sve podatke o svojoj JLS i odabrati komponentu na koju apliciraju unutar programa USAID/INSPIRE. Nakon apliciranja će odmah dobiti automatski e-mail kao potvrdu o prijemu aplikacije. Prijave koje ne budu dostavljene na navedeni način i do navedenog roka neće biti uzete u razmatranje.

**Napomena:** Svi potencijalni aplikanti trebaju pristupiti registraciji na online platformi za upravljanje grantovima KULT/APPLY čim prije, kako bi se upoznali s uvjetima i tehničkim postavkama aplikacije, a putem linka: <https://KULT.smapply.io/prog/inspire>. Molimo vas da taj link spasite u svoje kratice (*bookmarks*) ako namjeravate aplicirati na USAID/INSPIRE sada ili u budućnosti, a detaljne instrukcije o procesu registracije možete pronaći na linku: <https://kult.smapply.io/res/p/tehnicke-instrukcije/>.

USAID/INSPIRE će putem platforme KULT/APPLY obavijestiti sve prijavljene JLS o ishodu Javnog poziva.

---

<sup>1</sup>Program podrške zaštiti ljudskih prava USAID/INSPIRE nastavlja se na postignuća USAID-ovog Programa podrške marginaliziranim grupama (2015-2020). Kroz program USAID/INSPIRE, USAID osnažuje građane i vlasti u BiH kako bi unaprijedili zaštitu ljudskih prava te pružili bolje usluge i prilike za zapošljavanje marginaliziranim grupama u Bosni i Hercegovini.

## Pozadina

U cijelom svijetu za žene u starosnoj dobi između 15 i 44 godine nasilje je jedan od osnovnih uzroka smrti ili invaliditeta. Više od 80 posto žrtava trgovine ljudima su žene. Više od 130 miliona djevojaka i žena koje su danas žive bile su žrtve genitalne mutilacije. Nasilje nad ženama ne samo da predstavlja grubo kršenje ljudskih prava nego ima i ogromnu socijalnu i ekonomsku cijenu, te podriiva doprinos koji žene daju razvoju, miru i sigurnosti. Ono predstavlja ozbiljnu prijetnju realizaciji međunarodno dogovorenih razvojnih ciljeva, uključujući i Ciljeve za održivi razvoj.

Posljedice ovakvog položaja žene u bosanskohercegovačkom društvu dovode i do nezavidnog položaja žene u bh. preduzetništvu, ekonomiji i privredi. U biznisu je relativno malo žena, a i one koje su uspješne, teško se nose s preprekama koje nameće bosanskohercegovačko, još uvijek stereotipno društvo.

Žene su značajna ali nedovoljno iskorištena snaga u privredi Bosne i Hercegovine. Izraziti nedostatak istraživanja o ženama u privatnom sektoru znači da njihovi problemi i doprinosi nisu dovoljno prepoznati. Pozitivne promjene obuhvaćaju ratifikaciju Konvencije o eliminaciji svih oblika diskriminacije žena i usvajanje ključnih zakona o pravima žena, među kojima su Zakon o ravnopravnosti spolova, Porodični zakon i Zakon o zaštiti od nasilja u porodici. Uprkos pozitivnim zakonima i političkom progresu, žene su i dalje u ekonomski nepovoljnijem položaju, te u privredi daju manji doprinos od muškaraca. Marginaliziranost žena se očituje i znatno višoj stopi zaposlenosti za muškarce, koja iznosi 62,2%, dok je za žene 37,8% prema Anketi o radnoj snazi za II kvartal 2020. godine Agencije za statistiku Bosne i Hercegovine.

Ekonomsko osnaživanje žena doprinosi razvoju, stvarajući ekonomske i socijalne prilike od koristi za pojedince, zajednice, države i svijet u cijelosti. U tom smjeru, relevantne institucije, organizacije i međunarodna zajednica u Bosni i Hercegovini, kao i organizacije bh. dijaspore u svijetu trebaju dodatno sarađivati.

## Okvir

Program podrške zaštiti ljudskih prava (USAID/INSPIRE) Američke agencije za međunarodni razvoj (USAID) poziva sve jedinice lokalne samouprave u Bosni i Hercegovini da dostave prijavu na Javni poziv za podršku u implementaciji Programa Podrške marginaliziranim grupama žena u razvoju biznisa, koji je raspisala Američka agencija za međunarodni razvoj.

USAID/INSPIRE objavljuje javni poziv jedinicama lokalne samouprave za iskazivanje interesa za učešće u provođenju programa za podršku razvoju mikro, malih i srednjih preduzeća kao i seoskih domaćinstava žena žrtava nasilja, samohranih majki, nezaposlenih mladih žena mlađih od 35 godina, žena s invaliditetom ili s djetetom s invaliditetom, te žena koje su na neki drugi način marginalizirane, doprinoseći konkurentnosti lokalnih ekonomija i stvaranju mogućnosti za zapošljavanje teško zapošljivih kategorija. USAID/INSPIRE i jedinica lokalne samouprave udruženim će sredstvima formirati **Preduzetnički fond za žene**.

USAID/INSPIRE će zajedno sa svim odabranim jedinicama lokalne samouprave pripremiti zajednički okvirni koncept koji će se koristiti kao model podrške. Nakon toga će USAID/INSPIRE podržati jedinice lokalne samouprave u provođenju definiranog modela. U svakoj od jedinica lokalne

samouprave USAID/INSPIRE će održati radionice o pisanju poslovnih planova, načinu popunjavanja prijave i instrukcijama za ciljnu grupu. USAID/INSPIRE će organizirati radionice jačanja kapaciteta u oblasti podrške razvoju biznisa marginaliziranih grupa žena za predstavnike svih odabranih JLS iz službi i odjela koji se bave ekonomskim razvojem. Također, USAID/INSPIRE će podržati svaku odabranu JLS u kreiranju Strategije podrške razvoju poslovnog sektora.

## Kriteriji i procedure za apliciranje

**Javni poziv je otvoren svim jedinicama lokalne samouprave u Bosni i Hercegovini** koje ispunjavaju svih pet sljedećih kriterija:

- JLS osigurat će sredstva za Preduzetnički fond za žene u jednakom ili većem iznosu u odnosu na iznos koji traži od strane USAID/INSPIRE-a, s tim da je iznos vlastitog učešća, odn. iznos koji traži od USAID/INSPIRE-a **najmanje 30.000 KM, a najviše 50.000 KM.**
- JLS spremna je **primijeniti model podrške** (koji je razvijen ranije s drugim JLS-ima u BiH, a koji će biti dodatno unaprijeđen), objaviti javni poziv za navedene ciljne grupe i osigurati budžetska sredstva za Preduzetnički fond za žene za podršku odabranim biznisima u toku 2021. godine.
- Predstavnici JLS iz službi i odjela koje se bave lokalnim ekonomskim razvojem spremni su učestvovati u **radionicama jačanja kapaciteta** u oblasti podrške razvoju biznisa navedenih ciljnih grupa, a koje će organizirati USAID/INSPIRE.
- JLS spremna je uz podršku USAID/INSPIRE-a razviti **Strategiju podrške razvoju poslovnog sektora.**
- JLS spremna je **nastaviti koristiti model podrške** i nakon završetka zvanične saradnje s USAID/INSPIRE-om, uvođenjem nove budžetske linije za podršku ciljnim grupama.

JLS popunjavanjem i slanjem **PRIJAVE NA JAVNI POZIV** putem platforme KULT/APPLY prijavljuju se za učešće u programu.

Jedinice lokalne samouprave osigurat će da ugledni predstavnici lokalnog poslovnog sektora budu uključeni u proces odabira biznisa koji se prijave po javnom pozivu jedinice lokalne samouprave, kao i da budu spremni pružiti savjetodavnu podršku ženama tokom procesa podrške.

Predstavnik/ca USAID/INSPIRE-a bit će uključen u komisiju za odabir biznisa koji će biti podržani programom.

Modalitet procesa upravljanja sredstvima, praćenja provođenja poslovnih planova kao i izvještavanja bit će zajednički definiran između odabranih JLS i USAID/INSPIRE-a.

Najmanji iznos koji se traži od USAID/INSPIRE-a od strane jedinice lokalne samouprave je 30.000 KM, a najviši 50.000 KM.

USAID/INSPIRE će provesti finansijsku provjeru i reviziju podržanih biznisa.



Potpisivanje trogodišnjih ugovora između USAID/INSPIRE-a i odabranih JLS bit će upriličeno u maju 2021, a jedinice lokalne samouprave obavezne su raspisati javni poziv za biznise žena u roku od 45 kalendarskih dana od dana potpisivanja ugovora s USAID/INSPIRE.

Sva **pitanja** koja se tiču ovog javnog poziva dostavljaju se isključivo putem e-mail adrese: [prijava@usaidinspire.ba](mailto:prijava@usaidinspire.ba) (subject/predmet: 20.04.0-N2.1-306, *Upit*).

## Rok za dostavljanje prijave na javni poziv

Od aplikantata se traži da **do 29. 3. 2021. do 16.00 sati** dostave prijavu u elektronskom obliku, nakon što se registruju kao organizacija (*organisation*) na online platformi za upravljanje grantovima KULT/APPLY. U sklopu aplikacije će morati popuniti sve podatke o svojoj jedinici lokalne samouprave i odabrati komponentu na koju apliciraju unutar programa USAID/INSPIRE. Nakon apliciranja će odmah dobiti automatski e-mail kao potvrdu o prijemu aplikacije. Prijave koje ne budu dostavljene na navedeni način i do navedenog roka neće biti uzete u razmatranje.

Napomena: Svi potencijalni aplikanti trebaju pristupiti registraciji na online platformi za upravljanje grantovima APPLY čim prije, kako bi se upoznali s uvjetima i tehničkim postavkama aplikacije, a putem linka: <https://KULT.smapply.io/prog/inspire>. Molimo vas da taj link spasite u svoje kratice (*bookmarks*) ako namjeravate aplicirati na USAID/INSPIRE sada ili u budućnosti, a detaljne instrukcije o procesu registracije možete pronaći na linku: <https://kult.smapply.io/res/p/tehnicke-instrukcije/>.

Prijave koje ne budu dostavljene na način opisan u Javnom pozivu neće biti uzete u razmatranje. Prijave na Javni poziv koje pristignu nakon navedenog roka kao ni prijave na neodgovarajućim obrascima neće biti uzete u razmatranje.

## Ishod javnog poziva

Nakon što Komisija ocijeni i rangira sve pristigle prijave, USAID/INSPIRE će putem platforme KULT/APPLY obavijestiti sve prijavljene jedinice lokalne samouprave o ishodu Javnog poziva.

One prijave koje budu pozitivno ocijenjene ulaze u fazu pregovora i fazu potpisivanja ugovora.